

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 439516 23 St
Tuzla, 19.12.2023. godine

Općinski sud u Tuzli, stečajni sudija Antonela Đaković, u stečajnom postupku nad stečajnim dužnikom „Mensgradnja“ d.o.o. Sapna za promet i građevinarstvo, export-import Sapna, Kraljevići bb, Kraljevići, nakon provedenog prethodnog stečajnog postupka donio je dana 19.12.2023. godine slijedeće:

R J E Š E N J E

OTVARA SE stečajni postupak nad imovinom dužnika „Mensgradnja“ d.o.o. za promet i građevinarstvo, export-import Sapna, Kraljevići bb, Kraljevići, broj subjekta 1-12840, JIB:4209598430005, račun broj: 3386502200286249 otvoren kod UniCredit banka d.d.

Za stečajnog upravnika imenuje se Besim Hamidović iz Zvornika, Križevići broj 165, Gušteri.

ZAKLJUČUJE SE stečajni postupak nad imovinom dužnika „Mensgradnja“ d.o.o. za promet i građevinarstvo, export-import Sapna, Kraljevići bb, Kraljevići, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 4339516 23 St od 20.03.2023. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva dužnikom „Mensgradnja“ d.o.o. Sapna, a za privremenog stečajnog upravnika imenovan je Besim Hamidović iz Zvornika, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravitelj dostavio je izvještaj o provedenom prethodnom postupku ovom sudu dana 14.04.2023. godine. Iz izvještaja privremenog stečajnog upravnika proizilazi da društvo ne posluje i da nema uposlenika. Dužnik ne posjeduje poslovne prostorije na prijavljenoj adresi sjedišta, djelatnost je obavljalo u iznajmljenim prostorijama, niti posjeduje adekvatnu imovinu pokretnu ili nepokretnu koja bi činila stečajnu masu, a račun društva je blokiran. Obaveze društva prema knjigovodstvenoj evidenciji iznose 637.514,00 KM, a odnose se na obaveze prema PU FBiH, KPU Tuzla i UIO BiH, RC Tuzla, kao i na obaveze prema drugim povjeriocima i dobavljačima. Privremeni stečajni upravitelj je utvrdio da je podnosilac prijedloga za otvaranje stečajnog postupka podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajnog postupka predviđen članom 6. stav 2. i članom 102. Zakona o stečaju, ali da imovina stečajnog dužnika ne može pokriti troškove stečajnog postupka.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 28.04.2023.godine pozvao povjerioci i sva zainteresovana lica da u roku od 30 dana od dana objavljivanja poziva u službenim novinama predlože otvaranje stečajnog postupka i uplate iznos od 4.000,00 KM na ime troškova stečajnog postupka, iz kojeg predujmljenog iznosa bi se pokrili troškovi stečajnog postupka. Ti troškovi sastoje se od nagrada i naknada stečajnom upravniku, objavljivanja rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava, procjena imovine odstrane ovlaštenih vještaka, objava oglasa za unovčenje imovine i dr.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 36/23 dana 17.05.2023.godine, oglasnoj tabli suda dana 03.05.2023. godine i na web stranici suda.

Općina Vogošća kao razlučni povjerilac je podneskom zaprimljenim u ovom sudu dana 16.06.2023.godine dostavila prijedlog da sud otvori stečajni postupak navodeći kako je stečajni dužnik vlasnik nepokretne imovine upisane u z.k. izvadak broj 354 k.o. Vogošća i da se iz te imovine mogu namiriti troškovi postupka o čemu nije dostavljen dokaz u smislu procjene tržišne vrijednosti te imovine, niti je predujmljen traženi iznos na ime obezbjeđenja troškova stečajnog postupka.

Stečajni upravnik je u podnesku od 27.06.2023.godine naveo da naprijed navedena imovina predstavlja sastavni dio zgrade koju je gradio stečajni dužnik, kao i zemljište ispod zgrade i zemljište za redovnu upotrebu, kao i da ista ne predstavlja adekvatnu stečajnu masu, te da se radi o neunovčivoj stečajnoj masi.

Uvidom u z.k. uložak broj 354 k.o. Vogošća sud je utvrdio da je stečajni dužnik MENSGRADNJA d.o.o. Kalesija, upisan kao vlasnik parcele broj k.č. 1264/6, stam.kolektivni obj., kuća i zgrada pov. 172 m², i k.č. broj 1264/ 5 ,PARK, dvorište površine 31 m², ali da nad navedenom imovinom postoje tereti u C teretnom listu, od strane SBERBANK BH D.D. i Općine Vogošća, odnosno da je u pitanju imovina opterećena razlučnim pravom, te kao takva ne predstavlja slobodnu imovinu stečajnog dužnika za unovčenje i namirenje stečajnih povjerilaca.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za obezbjeđenje troškova stečajnog postupka, jer imovina stečajnog dužnika nije dovoljna za pokriće troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u „Službenim novinama FBiH“.